

Jūmenijicu caiyede ũi cuedaino mácarõ

Génesis 1-2

(Mateo 19.4-5, Marcos 10.6-7, Juan 1.1-3, 1 Corintios 6.16, 11.8-9, 15.45-47, 2 Corintios 4.6, Efesios 5.31, 1 Timoteo 4.4, Hebreos 4.3-4, 11.3, Santiago 3.9, 2 Pedro 3.5, Apocalipsis 22.2,14)

Caiye cubedejaquemavu. Cavarõ, joborõ, jocucua, ãimara, põeva, caivu, caiye máre cubedejaquemavu. Dinumure cavarõre, ijaborõre máre cuedarejaquemavu Jūmenijicu caiye ape jipocai. Aru ñemino marejaquemavu. Que baru “Miadáro májaro”, arejaquemavu ũ. Ũi que aiyede, miadáro curejaquemavu. “Jāravu bájarõ”, aru “Ñami májaro”, arejaquemavu. Ũ miadárore “Jāravu” arĩ, aru ñeminore “Ñami” arĩ, ãmidorejaquemavu. Ũi que daiyede, cūinéjaquemavu cūinájāravu.

Bediõva cuedarejaquemavu Jūmenijicu. Ũi aiyedata, ocope-niboa baquiyé muri nurejaquemavu. Muri pu cavarõ maquinóita, oco curitucubu baquinói nuri jēnejaquemavu. “Cavarõ májaro”, arĩ ãmidorejaquemavu. Ũi que daiyede, pucajāravua vaidéjaquemavu.

Aru bediõva cuedarejaquemavu Jūmenijicu. Ũi aiyedata, oco jia urada baquinó cūináromia cójijidejaquemavu. Aru joborõ maquinó járorejaquemavu mearo. Ũi aiyedata, cuetedejaquemavu cōriámenejaiye, pueuabedejaiye, betacabedejaiye, menemenejaiye, cōjamenejaiye, aru caiye die coapa joborõre pīaréjaquemavu quédada. Diede pīarí, urarõ bucurĩ nurejaquemavu. Que teni yóbecurijāravua vaidéjaquemavu.

Ina majare miadárajivure cuedarejaquemavu Jūmenijicu. “Que bájarã muja”, arĩ aviávare cuedarejaquemavu ũ. Jāravu-cacure jāravure miadáicōjēnejaquemavu. Aru ñai majiõvacu ñamicacure aru abiácovare máre ñamine cojicōjēnejaquemavu. Que baru yore ijāravure miadárejaquemavu. Aru yóvaicuvaijāravua vaidéjaquemavu.

Bediõva cuedarejaquemavu Jūmenijicu. Moamenejaiivure, ãivamenejaiivure, aru pāramevamenejaiivure máre, caivu jia jívui curivure cuedarejaquemavu. Aru mǐjinare, ãimara vuivure

máre cuedarejaquemavu. Ne juedocivarĩburu yóboi, cūpururejaquemavu. Que teni cūinápurupe pajãravua vaidéjaquemavu.

Bedióva cuedarejaquemavu Jūmenijicu. Ina macarōcava āimarare, mícuvamarare, papeivure, aru júvare máre, caivu joborōi curivure cuedarejaquemavu. Ne juedocivarĩburu yóboi, cūpururejaquemavu na máre.

Aru pōeva máravivure máre cuedarejaquemavu. Ũmu macuyúre aru nomió macodóre yópe darĩ, úpe ārojarivure cuedarejaquemavu náre, ũi dápiainope dápiaivure. Jobore ĩni, jēni, pōecu bacuyúre darejaquemavu úpe ārojacure. Ũi daimu mácuĩ ũecare ũme japurĩ, ũme epedejaquemavu ñaine, pōeva néñecu macuyúre. Ũme epeni buojarĩ, ũi daimu mácure “Adán májacu mu”, arĩ amidorejaquemavu Jūmenijicu.

Ñai ũmure Edén āmicurō oteiye curōi epedejaquemavu. Nore jia curejaquemavu, aru jocucua máre. Oteiye curō coricai pucacua jocucua curejaquemavu, dicu cūinácu jēiye cainumua apure daiye, aru apecu méne aru āmene máre majide daiye. Ñai pōecure nore jári capuicōjeni, yópe arejaquemavu Jūmenijicu:

—Me corejacu ji oteiye curōre. Jocucua jēiyede ājacu mu. Ũbenita coricacacu, méne aru āmene máre majide

daicu jēiyede āmejacu mu. Dicu jēiyede āñu maru, jāve yai-cáyumu mu, arī coyurejaquemavu Adáre Jūmenijicu.

“Ñai pōecu ũi yóvaimo cubebico. Meamevu úre”, arī dápiarejaquemavu. Dinumure caivu ina ũi cuedaimara mácvure, āimara coapa, Adán yebai davarejaquemavu Jūmenijicu, āmi-doicōjeñu náre. Ubenita ne jēneboi ũi yóvaimo macodó cubedejaquemavu.

Que baru “Úre cadatecodore daquijivu” arī, úre cāori, ũi tépenado cūinádore ĩni, nomió macodóre darejaquemavu. Adán ũi coedaiyede, “Yúpe pōecobu mu. Ji tépenabacadoque dacube Jūmenijicu jimarepaco baco dóre”, arejaquemavu. Que baru ácu pōecu jimarepaco baco dó cvvacuyu, ũi bucuvare dajocacuyume. Aru jimarepacore cvvarī, ómaque cūinávupetamu na Jūmenijicu jáinore.

Ina pucarā doiye cubedejaquemavu. Ubenita cuyebedejaquemavu na. Aru Jūmenijicu caiye ũi daiye báquede jári, “Meavu” arejaquemavu. Que teni seis paijāravua vaidéjaquemavu.

Cōmiáijāravui, “Cari jāravu meajāravubu” arī, caiye ũi cuedaiyue báquede aru caivu ũi cuedaiyumara mácvure máre cuedarī buojarī, memeni dajocarī, jabuóvarejaquemavu Jūmenijicu.

Pōeva Jūmenijicure ne vainí tuino mácarō

Génesis 3.1-21

(Romanos 5.12-19, 2 Corintios 11.3, Apocalipsis 2.7, 12.9, 20.2, 22.3, 14, 19)

Áicu máre curejaquemavu. Jujovayu barejaquéjavu ñai áicu. Satanás curejaquemavu. Ũ nomióre yópe arī jēniari járejaquemavu:

—¿“Caiye jocucua jēiyede āmejara muja”, ari mujare Jūmenijicu? arejaquemavu ñai áicu.

Aru ócapūravu arejaquemavu:

—Caiye iye jēiyede áivubu ñuja. Ubenita ānicu coricacacu jēiduare áicōjemetebi ñujare Jūmenijicu. Iyede ñuja áivu baru, yainájaramu, arejaquemavu ō.

—Bi, jāve āmevu. Yaibénamu muja. Áivu baru, méne aru āmene máre majinajaramu muja. Jūmenijicupe paivu tenaja-

ramu muja. Aru nópe majini, “Yúpe teinomu” arí, áicōjemete-cube Jūmenijicu mujare, borocucu arejaquemavu ũ, áicu.

Diede jápiarí, dicu jēidure tavarí, ĩni, ārejaquemavu. Aru jímarepacure jidejaquemavu, ũi āquiyepe ado. Que teni āri buojarí, méne aru āmene máre majini, ne bajure jári, ne doiyē cubeni, cuyedejaquemavu. Cuyedivu yocajĭene ĩni, nareni, doicajeare darejaquemavu.

Aviá doiyē bajure Jūmenijicu cucudarejaquemavu nore oteiyē curōre. Ūre ũi ēmeiyede jápiarí, jocucua jēneboi dupidejaquemavu ina. Náre órejarejaquemavu Jūmenijicu:

—¿Ári curāru muja? arejaquemavu.

Aru Adácapūravu ju arejaquemavu:

—Mure jápiarí cuyevu yu. Ye cuitótecaje cubevu yu. Que baru dupivu yu mure, arejaquemavu.

—¿Ñame mure que coyuri? ¿Ji áicōjemecu jēidure ācurū mu? arí jēniari járejaquemavu Jūmenijicu.

—Mi jívamo yure dicu jēidure jĭni, “Áreva”, abico yure. Aru yure jĭni, yu āvuicu, arejaquemavu Adán.

Aru ócapūravu arejaquemavu:

—Ñai áicu yure borodabi. Que baru yu āvuico, arejaquemavu.

Ōi que aruta, ñai áicure arejaquemavu Jūmenijicu:

—Mi borodaiye boje mu mi yapiburā papeni núvacuyumu joborōi. Mu mauteucuyumu nomiói mácu bacuyúre. Nomiói mácu bacuyú ũi cubochĭarure cūcuyumu mu. Ūbenita ñai nomiói mácu bacuyú mure ĩi jipobure cobacuyume ũ, arejaquemavu ñai áicure.

Nópe ayu, “Áicu nomiói mácu bacuyúre ĩjĭe tecuyureca, áicui paruéde cūiné dacuyume ōi mácu bacuyú”, aiyurejaquemavu.

Ico nomióre arejaquemavu Jūmenijicu:

—Juedocuvacore ĩjiquiyebu mure. Ūbenita mimarepacure ucodomu mu. Mimarepacu mure cōjeñu macuyúme. Aru ũre jápiacodomu mu, arejaquemavu ico nomióre.

Aru Adáre arejaquemavu Jūmenijicu:

—Yure vainí tavu mu. Que baru joborōre miumenejayiede aru āmecōriamenejayiede máre piaré dacuyumu yu. Mu pare memeñu maru, ĩi oteiyē jēiyede ācuyumu mu. Joboque mure dacacu yu. Aru jobotecuyumu mu yayíata, arejaquemavu Adáre.

Aru jímarepaco caivu pōeva népaco bacodó barejaquemavu.
Que baru Adán “Éva bájaco mu”, arí ãmidorejaquemavu óre.

Dinumure ãimarare boarí, cajeáre yevarí ñni, ne dorãjiye ña-
carí, náre jídejaquemavu Jūmenijicu. Dicajeare ñni, dorejaque-
mavu ina pōeva.

Ina majide ñaicu jēiyede ãivu bácavu ne ãmenajiyepe ayu
apecu jocucu jēiyede, dicu cainumua apure ñaicu, Jūmenijicu
náre jaetovarí jarorejaquemavu ne mearo cújuroróre jocarí.
Nore coreicōjenejaquemavu apevu querubín ãmicurivure, ánge-
levape paivure, cūináve tãuve uruivede cavarivure, ina pōeva
ne eabenajiyepe ayu icu jocucu apure ñaicu yebai.